

BARNAAMIJKA DOORASHADA DEGMADA: HELSINKI 24/7

1. GURI IYO MAGAALO-MADAXDA

2. XASILAN OO CASRIYOOBAYSA

3. DIIRAN OO DARYEEL LEH

1. GURI IYO MAGAALO-MADAXDA

Waxaan dhisaynaa Helsinki ay suurragal tahay in lagu deganaado qiimo macquul ah qof kastana uu guri ku leeyahay. Magaaladeennu waxay boos u haysaa dadka halkan ku dhashay iyo kuwa u soo guuray. Waxaan doonaynaa in aan xoojinNo kaalinta caalaminnimo ee magaalada Helsinki.

Gaadiidka dadweynaha ee Helsinki waa in uu noqdaa mid la aaminI karo oo raqiis ah. Waa in uu magaalada oo dhan ka shaqeeyaa afar iyo labaatanka saac. Waxaan dhisaynaa Helsinki ay ku socoshadeedu tahay mid fiican, ammaan ah oo hufan, haddii lagu lugaynayo, baaskiil lagu wadayo ama baabuur lagu kaxaysanayo.

Helsinki waxay ka koobantahay xaafado leh waxyaabo u gaar ah oo xayi ah. Waxaan dhisaynaa Helsinki aqoonsiga iyo dhaqanka xaafadaheedu ay yihiin qaninnimo iyo awood. Dhammaan deegaannada magaaladeennu waa ay barbwaaqoobi karaan.

Meel kasta oo Helsinki ku taal waa in ay noqotaa meel la dego laguna noolaado oo ammaan ah. Waxaan dhisaynaa ammaanka annagoo wajahayna islamarkaasna xallinayna sababaha ammaan darrada keena, mana dhisayno derbiyo.

Helsinki waxay abuuraysaa fursado boqolaal kun oo shaqo ah. Waxaan dhisaynaa Helsinki ku fiican in lagu shaqeeyo, ganacsado islamarkaasna lagu shaqaaloobo. Waxaan sidoo kale doonaynaa, in magaaladeennu ay shaqo-bixiye ahaan noqoto tusaale, daacad iyo xil-qaad leh iyo in shaqaalaheedu ay shaqadoodu ugu faanaan in ay tahay wax wanaagsan oo la wada leeyahay.

2. XASILAN OO CASRIYOOBAYSA

Isbeddelka cimilado waa arrinka kama dambaysta ah ee bani'aadanka. Waxaan dhisaynaa Helsinki samaynaysa doorashooyin bey'adda ogaal u leh, taas oo ku dadaalaysaa ka

shaqaysiinta dib u isticmaalidda. Istimaalka shidaalka dhulka laga qodo waa in la joojiyaa waana in fiiro gaar ah loo yeeshaa soosaarista kul iyo tamar bey'ada u roon.

Helsinki waa magaalo waxbarasho oo ardayda soo jiidata, halkaas oo uu qof kasta xaq u leeyahay aqoon iyo waxbarasho. Waxaan dhisaynaa Helsinki oo barbaarin-horaadka iyo dugsiga hoose-dhexe laga helo guriga agtiisa. Waxaan waxbarashada heerka labaad oo lacag la'aan ah iyo taageerada dugsiyada tacliinta saree ee Helsinki qof kasta ugu dammaanad-qaadaynaa waddo waxbarasho oo noocyo badan.

Waxaan dhisaynaa Helsinki horseed ka ah laqabsashada. Waxaan qof kasta oo shaqo, waxbarasho, megangelyo ama xittaa jacayl dartiis halkan ugu soo guuray ka dhigaynaa xubin si buuxda bulshadeenna uga mid ah.

Nololwanaagga Helsinki iyo reer Helsinki wuxuu ku tiirsanyahay meheradda shaqada, ganacsiga iyo hindisooyinka cusub. Waxaan leenahay xoogga shaqo ee ugu aqoonta iyo waxbarashada badan dalka oo dhan iyo adeeg-isticmaalayaan nus malyan ka badan. Waxaan dhisaynaa Helsinki ay suurragaltahay in wax cusub lagu hal abuur, lagu ganacsado dadkana lagu shaqaaleeysiyo. Waxaan suurragelinaynaa hawl shirkadeed cusub oo leh xal ku salaysan siyaasadda xafiisyada iyo gaadiidka.

3. DIIRAN OO DARYEEL LEH

Waxaan dhisaynaa Helsinki ay adeegyadeeda dadweynaha helayaan dadka oo dhan, adeegga xannibaad la'aantuna uu ku hirgelayo marka goobta adeegga la joogo iyo marka qaab elegtroonig ah loo bixinayo. Helsinkiennu waa ay daryeeleysaa islamarkaasna dhegeysanaysaa qof kasta oo reer Helsinki ah.

Aqoonta daryeelka caafimaadka ee ugu fiican waa in dhammaan dadka u baahan ay magaalada oo dhan heli karaan. Waxaan dhisaynaa Helsinki uu qof kasta fursad u helayo daryeel iyo xannaano fiican. Waxaan dhisaynaa magaalo bixinaysaa fursad lagu helo nolol wanaagsan, waayeelnimo firfircooni iyo sharaf leh. Helsinki waxaa lagu arkayaa qaybaha nolosha oo dhan. Mararka qaar waxaa aad loogu baahanyahay shabakadda caawimaadda ee bulshada.

Waxaan dhisaynaa magaalo dadka u diir-naxada kuna dadaashaa, iyo magaalo xal u raadisa takoormidda iyo dan yarida bulshada. Waxaan dhisaynaa Helsinki ku dadaalaysa nololwanaagga dhallinyarada islamarkaasna gaaraysa kuwa kaalmada u baahan. Cunug kasta iyo da'yar kasta waxay Helsinki ku helayaan fursad iskumid ah oo ay hiwaayad ku samayn karaan.

Helsinki waa magaalada dhaqanka ee Finland. Dhaqanku wuxuu maalin kasta soo saaraa nololwanaag, saamayntiisuna meelo fog ayeey gaartaa. Waxaan dhisaynaa Helsinki dhaqanka looga taageero siyaabo badan hawlwadeennadeedana la daryeelo marka ay xaalad adag timaado. Waa in lagu dadaalaa shabakadda maktabadaha ee sida dhabta ah ugu adeegta magaalada iyo reer Helsinki oo dhan.

Kaymaha, xeebaha iyo jasiiradaha Helsinki waa kuwa wax lala meel dhigaa aanay jirin. Suuqyda, barxadaha, jardiinooyinka iyo beeraha nasashada ee yaryar waxay lagama

maarmaan u yihiin bey'ada magaalada. Waxaan dhisaynaa Helsinki marka ay fidayso la hubinayo, in dhul uu u haro dhabbayaasha ruclaynta iyo goobaha baashaalka.